

## **Dua pendebat UTHM wakili negara**

JOHOR BAHRU 27 Ogos - Dua pendebat Universiti Tun Hussein Onn Malaysia (UTHM) terpilih bagi mewakili Malaysia ke Bengkel Mengenai Peranan Belia Dalam Penggunaan Hijau ASEAN: Selangkah Ke Arah 1 Komuniti di Bangkok, Thailand.

Mereka yang terpilih adalah penuntut tahun akhir Ijazah Kejuruteraan Mekanikal dan Pembuatan daripada Fakulti Kejuruteraan Mekanikal dan Pembuatan (FKMP), Lee Te Chuan dan penuntut tahun akhir Diploma Kejuruteraan Awam, Pusat Pengajian Diploma (PPD), Amirul Faiz Abdul Latif.

Malaysia melalui Jabatan Alam Sekitar (JAS), Kementerian Alam Sekitar dan Sumber Asli telah menghantar empat orang wakil ke bengkel tersebut dengan dua daripadanya adalah wakil dari Universiti Malaya (UM).

Pemilihan wakil Malaysia ini adalah berdasarkan sumbangan serta penglibatan mereka dalam pemuliharaan alam sekitar termasuklah penglibatan dalam seni pengucapan awam.